



JABATAN PERKHIDMATAN VETERINAR MALAYSIA

LAPORAN LIPUTAN MEDIA

SELASA, 22 JUN 2021	
1.	Kematian 500 ekor ayam jadi penguat semangat
2.	Masjid, surau di Kuala Lumpur dibenar laksana ibadah korban
3.	Wabak LSD tidak ganggu bekalan lembu korban
4.	Perak tiada halangan laksana ibadah korban
5.	Rugi RM 25,000 tujuh lembu dibahan harimau

DISEDIAKAN OLEH:

**SEKSYEN KOMUNIKASI KORPORAT
JABATAN PERKHIDMATAN VETERINAR MALAYSIA**

Kematian 500 ekor ayam jadi penguat semangat

Oleh MASTURAH SURADI
utusannews@mediamula.com.my

KOTA TINGGI: Kegagalan pertama yang menyebabkan hampir 500 ekor ayam kampung di-ternak mati tidak mematahkan semangat seorang pemuda di Felda Lok Heng Timur, di sini untuk terus berusaha dalam bidang itu.

Borhanuddin Samsudin, 29, berkata, dia mula serius dengan ternakan ayam selepas tidak lagi bekerja sebagai penyelia tapak di projek pembangunan di Pengerang, di sini.

"Saya juga berhenti kerja sebab nak jaga mak dan ayah di kampung. Saya tolong mereka uruskan kebun sebelum ambil keputusan menjalankan projek penternakan ayam kampung.

"Saya ingat lagi semasa mula-mula ternak ayam bermodalkan RM10,000, saya usahakan 500 ekor ayam tetapi hampir semuanya mati," katanya ketika ditemui *Utusan Malaysia* di sini, semalam.

Borhanuddin berkata, selepas dapat mengenal pasti pun-



BORHANUDDIN Samsudin (kanan) menerima kunjungan Pengurus Felda Lok Heng Timur, Mohd. Aswat Othman yang melihat perkembangan projek ternakan ayam kampung di Kota Tinggi, Johor. - UTUSAN/MASTURAH SURADI

ca penyebab kematian ayamnya, dia kemudian bangkit dan mempertaruh 500 ekor ayam lagi untuk diternak.

Jelasnya, kini jumlah ayam kampung yang diternak bersama adiknya, Mohd. Norain, 24, bertambah kepada 1,000 ekor.

"Alhamdulillah, hasil ilmu yang ada, kini ayam kampung kami mendapat permintaan daripada pembekal di Negeri Sembilan untuk dijadikan produk ayam sejuk beku dan ayam salai.

"Ini juga adalah hasil bantuan pengurusan Felda yang banyak

menyokong usaha saya. Jika sebelum ini saya ternak di belakang rumah tetapi kini saya buat di tanah milik agensi itu yang lebih luas dan selesa," katanya yang bertekad mahu mengajak belia Felda itu bersama-sama menyertai perusahaannya.

Masjid, surau di Kuala Lumpur dibenar laksana ibadah korban

KUALA LUMPUR - Jabatan Agama Islam Wilayah Persekutuan (JAWI) memberi kebenaran kepada setiap masjid dan surau di Wilayah Persekutuan Kuala Lumpur untuk melaksanakan ibadah korban sempena sambutan Hari Raya Aidiladha pada tahun ini.

Bagaimanapun, proses penyembelihan haiwan, melapah dan pembungkusan daging korban hanya dibenarkan di rumah sembelihan Jabatan Perkhidmatan Veterinar dan rumah penyembelihan ruminan swasta yang dilesenkan mengikut penyelarasan JAWI menerusi Pejabat Pentadbiran Zon.

Pengarah JAWI, Datuk Mohd Ajib Ismail berkata, pengagihan daging korban juga perlu dibuat secara terus kepada peserta, fakir miskin, petugas barisan hadapan dan golongan sasaran.

“Selain itu, pelaksanaan ibadah korban di kawasan la-



JAWI membenarkan had kapasiti sembelihan korban tidak melebihi lima ekor sehari dan bilangan kehadiran termasuk petugas tidak melebihi 12 orang.



pang selain masjid dan surau di Wilayah Persekutuan Kuala Lumpur turut dibenarkan dengan kelulusan pihak berkuasa tempatan (PBT), JAWI dan Pejabat Kesihatan Daerah.

“Had kapasiti sembelihan korban adalah tidak melebihi lima ekor sehari

dan bilangan kehadiran termasuk petugas tidak melebihi 12 orang,” katanya dalam satu kenyataan pada Isnin.

Tambah Mohd Ajib, semua kebenaran itu adalah tertakluk kepada prosedur operasi standard (SOP) yang ditetapkan demi memastikan ibadah korban dapat dihayati oleh semua pihak.

Wabak LSD tidak mengganggu bekalan lembu korban

PETALING JAYA - Penyakit kulit kental (LSD) yang menyerang lembu ternakan di Selangor berada dalam keadaan terkawal dan tidak mengganggu bekalan haiwan tersebut menjelang Hari Raya Aidiladha.

Exco Infrastruktur dan Pertanian Selangor, Ir Izham Hashim berkata, walaupun beberapa kes wabak LSD dikesan di beberapa kawasan di negeri ini pada awal Jun lalu, namun lembu-lembu tersebut sudah diasingkan serta-merta untuk mengelakkan penularan virus tersebut.

Walaupun begitu, beliau menyarankan kepada Jabatan Perkhidmatan Veterinar (JPV) untuk meningkatkan

kekerapan pemantauan ke ladang-ladang lembu di negeri ini untuk memastikan tiada kes jangkitan penyakit berkenaan berlaku.

“Kita masih perlu memantau keadaan lembu-lembu tersebut, namun setakat ini virus tersebut tidak merebak lagi dan masih terkawal.

“Ia juga tidak akan mengganggu bekalan lembu menjelang Aidiladha nanti, tapi langkah penjagaan tambahan perlu diambil untuk mengelakkan ia merebak,” katanya ketika sidang akhbar selepas melawat kawasan pembinaan lebuh raya di Sungai Buloh-Kota Damansara di sini pada Isnin.

Pada awal bulan ini, *Sinar Harian* melaporkan wabak LSD mula dikesan di sekitar Selangor iaitu di Gombak, Sabak Bernam dan Hulu Selangor.

Penyakit LSD paling awal dikesan di Bagai Serai, Perak pada awal Jun lalu apabila menjangkiti lembu dan kerbau di kawasan berkenaan.

Laporan *Sinar Harian* pada 3 Jun lalu.



Perak tiada halangan laksana ibadah korban

SOP berkaitan yang perlu dipatuhi akan diwarta MAIPk

Oleh NORMAWATI ADNAN

BAGAN SERAI

Kerajaan Perak tiada halangan untuk membenarkan ibadah korban dilaksanakan sempena Aidiladha.

Exco Perladangan, Pertanian dan Industri Makanan Perak, Razman Zakaria berkata, pihaknya dimaklumkan kebenaran itu akan diberikan dengan pematuhan prosedur operasi standard (SOP) yang ketat.

"Saya difahamkan ada beberapa negeri tidak digalakkan adakan korban. Di Perak setakat ini positif, tiada masalah untuk melaksanakan ibadah itu, cuma mungkin dengan SOP ketat yang dibenarkan.

"Majlis Agama Islam dan Adat Melayu Perak (MAIPk) akanewartakan SOP berkaitan yang perlu



Razman menyerahkan agihan ayam kepada penduduk Kampung Selamat, Gunung Semanggol pada Isnin.

dipatuhi," katanya selepas memberi sumbangan keperluan dapur kepada penduduk Kampung Selamat, Gunung Semanggol di sini pada Isnin.

Menurut beliau, bekalan ternakan bagi tujuan korban di negeri ini adalah mencukupi meskipun sebelum ini timbul isu ternakan lembu dan kerbau yang dijangkiti penyakit kulit kental atau Lumpy Skin Disease (LSD).

"Disebabkan risiko penularan penyakit ini juga kerajaan telah mengangantung pengimportan lembu dan kerbau dari Thailand.

"Tetapi perkara ini langsung tidak menjejaskan bekalan ternakan di ne-

geri ini, kita masih ada alternatif lain dan kita beri jaminan bekalan di Perak adalah mencukupi," katanya.

Dalam pada itu, Razman yang juga Ahli Dewan Undangan Negeri (ADUN) Gunung Semanggol berkata, sumbangan kali ini menyaksikan lebih 100 ekor ayam diagihkan kepada setiap isi ketua rumah di Kampung Selamat secara pandu lalu.

Katanya, ia adalah kesinambungan daripada program sebelum ini yang menyasarkan setiap kampung menerima bantuan makanan bagi meringankan beban menghadapi tempoh Perintah Kawalan Pergerakan (PKP).



IBRAHIM menunjukkan kawasan bangkai lembu ternakannya yang ditemui selepas dibaham harimau dalam ladang sawit, semalam.



BANGKAI lembu ternakan peneroka di FELDA Perasu yang dibaham harimau pada 10 Jun lalu.

Rugi RM25,000 tujuh lembu dibaham harimau

Gua Musang: Seorang penternak lembu mendakwa kerugian lebih RM25,000 apabila tujuh ekor lembunya dibaham harimau di Rancangan Tanah FELDA Perasu di sini, sejak sebulan lalu.

Kejadian terbaru berlaku jam 7 pagi kelmarin apabila seekor lembu peliharaan Ibrahim Derani, 64, yang dilepaskan di kawasan ladang kelapa sawit berhampiran ru-



Bukan lembu peliharaan saya sahaja yang menjadi mangsa, tetapi lembu rakan juga menerima nasib sama sejak bulan lalu"

Ibrahim

mahnya dibaham haiwan itu. Ibrahim berkata, dalam kejadian itu, anaknya yang sedang menghalau 30 ekor lembu dalam ladang berkenaan terserempak dengan harimau terbabit sedang mengheret seekor anak lembu.

Katanya, sebaik ternampak harimau itu, anaknya bergegas melarikan diri dengan keluar dari kawasan ladang sawit kerana bimbang diancam

haiwan berkenaan.

"Selepas kejadian itu, anak saya masih ketakutan untuk memasuki ladang sawit kerana khuatir harimau berkenaan masih berada di kawasan ladang kelapa sawit.

"Bukan lembu peliharaan saya sahaja yang menjadi mangsa, tetapi lembu rakan juga menerima nasib sama sejak bulan lalu," katanya. Penternak lain Deraman

Omar, 75, berkata, masalah harimau yang kerap ditemui berkeliaran dalam ladang kelapa sawit boleh mengancam keselamatan nyawa kerana ia menjadi tempat peneroka mencari rezeki.

"Saya berharap Jabatan Perlindungan Hidupan Liar dan Taman Negara (Perhilitan) dapat mengambil tindakan segera untuk menangkap haiwan itu," katanya.